



STRELJAČKA PRAVILAZA DISCIPLINU TRAP

Sarajevo, 07.06.2022. godine

STRELJAČKI SAVEZ FEDERACIJE BOSNE I HERCEGOVINE
Paromlinska 17, 71 000 Sarajevo, Bosna i Hercegovina; Tel: +387 61 527 443;
e-mail: ssfederacijebih@gmail.com
Transakcijski račun: 134-010-0000374928 ASA BANK; ID: 4218836030001



STRELJAČKA PRAVILA

ZA DISCIPLINU TRAP

Sarajevo, 07.06.2022. godine

POGLAVLJA

	stranica	
1. OPŠTE ODREDBE	3 – 3	
2. SIGURNOST	3 – 4	
3. O SLUŽBENOJ DISCIPLINI	4 – 5	
4. STANDARDI STRELIŠTA I META	5 – 7	
5. OPREMA I MUNICIJA	7 – 9	
6. SLUŽBENO OSOBLJE NA TAKMIČENJU	8 – 10	
7. POSTUPCI I PRAVILA TAKMIČENJA	11 – 15	
8. ADMINISTRATIVNE AKTIVNOSTI PRIJE TAKMIČENJA	15 – 16	
9. NEPRAVILNOSTI	16 – 17	
10. PRAVILA PONAŠANJA NA STRELIŠTU ZA STRIJELCE	17 – 18	
11. KAZNE ZA PREKRŠAJE – DISCIPLINSKI PROPISI	18 – 19	
12. PRAVILA ZA RUKOVANJE ORUŽJEM	19 – 20	
13. EVIDENTIRANJE REZULTATA	20 – 21	
14. NERIJEŠENI-JEDNAKI REZULTATI	21 – 22	
15. ŽALBE I PRIGOVORI	22 – 23	
16. FINALE U OLIMPIJSKIM DISCIPLINAMA	23 – 25	
17. PRELAZNE I ZAVRŠNE ODREDBE	25 - 25	

Korištene skraćenice u Pravilniku

ISSF – Međunarodna streljačka sportska federacija

SS BiH – Streljački savez Bosne i Hercegovine

STK – Stručno-takmičarska komisija

1. OPŠTE ODREDBE

- 1.1. Odredbe Streljačkih pravila za disciplinu Trap Streljačkog saveza Bosne i Hercegovine moraju primjenjivati sve organizacije udružene u Streljački savez Bosne i Hercegovine (u daljem tekstu SS BiH) na svim takmičenjima u programu SS BiH i udruženih organizacija.
- 1.2. SS BiH se zalaže da se ovaj Pravilnik primjenjuje i na streljačka takmičenja koja se organizuju i održavaju izvan programa SS BiH i udruženih organizacija.
- 1.3. Tehnička pravila Međunarodne sportske streljačke organizacije (u daljem tekstu ISSF) za leteće mete , zajedno sa ovim Pravilnikom čine jedinstvenu cjelinu, te se primjenjuju u svim slučajevima koji nisu posebno regulisani ovim Pravilnikom.
- 1.4. Svi strijelci,vođe ekipa i službene osobe moraju biti upoznati sa ovim Pravilnikom te moraju osigurati da se ta pravila provode. Odgovornost svakog strijelca,vođe ekipe i službene osobe je da se ponaša u skladu sa tim pravilima.
- 1.5. Ukoliko ne postoje posebna pravila za muška ili ženska takmičenja,moraju se primjenjivati jedinstvena pravila i za muška i za ženska takmičenja.

2. SIGURNOST

SIGURNOST JE OD IZUZETNE VAŽNOSTI!

- 2.1. Ovaj Pravilnik navodi samo posebne sigurnosne zahtjeve SS BiH i ISSF za takmičenja, koja se provode u skladu sa cjelokupnim pravilima SS BiH i ISSF. Sigurnost na strelištu zavisi u velikoj mjeri o lokalnim uslovima i Organizacioni odbor mora poznavati i utvrditi cjelokupne uslove sigurnosti na određenom strelištu i poduzimati potrebne mjere za njihovu primjenu. Organizacioni odbor je odgovoran za sigurnosne uslove na strelištu.Vođe ekipa i strijelci moraju biti upoznati sa posebnim sigurnosnim propisima.
- 2.2. Sigurnost strijelaca,osoblja na strelištu i gledalaca zahtjeva stalno pažljivo rukovanje oružjem kao i oprez kod kretanja strelištem. Samodisciplina je potrebna kod svih učesnika a kod nedostatka samodiscipline,dužnost je sudija da uvedu disciplinu a strijelaca i vođa ekipa da u tome pomognu.
- 2.3. U interesu sigurnosti, sudija ili član žirija može zaustaviti gađanje u svako vrijeme. Strijelci i vođe ekipa moraju odmah prijaviti sudiji ili članu žirija svaku situaciju koja može biti opasna ili može uzrokovati nesreću.
- 2.4. Kontrolor opreme, sudija ili član žirija mogu dirati strijelčevu opremu (uključujući oružje) i bez njegove dozvole,ali u njegovoj prisutnosti i s njegovim znanjem.Izuzetak je moguć iz razloga sigurnosti, kada je potreban hitan i učinkovit postupak.

- 2.5. U interesu sigurnosti svim oružjem se mora rukovati sa maksimalnom pažnjom u svako vrijeme. Oružje se ne smije iznositi sa linije gađanja tokom trajanja gađanja bez dozvole glavnog sudije.
- 2.6. Oružje se može puniti samo na liniji gađanja i to nakon naredbe „Start“ od strane glavnog sudije. Sudija mora osigurati dovoljno vremena strijelcima za punjenje oružja.
- 2.7. Kada je izdata komanda ili signal „Stop“ gađanje mora odmah prestati. Svi takmičari moraju isprazniti svoje puške i time ih učiniti bezbjednim. Takmičenje se može nastaviti samo poslije date komande ili signala.
- 2.8. Prije napuštanja streljačke pozicije, strijelac mora isprazniti svoje oružje te ga nositi preklopljeno i okrenuto u sigurnom pravcu, inače strijelac može biti diskvalifikovan zbog narušavanja bezbjednosti na strelištu.
- 2.9. Opaljivanje na prazno i vježbe nišanja su dopuštene ali samo uz dozvolu sudije i to samo na liniji gađanja ili na posebno označenom mjestu za vježbu. Rukovanje oružjem nije dopušteno ako je tehničko osoblje ispred linije gađanja.
- 2.10. Za vrijeme takmičenja, oružje može biti odloženo samo nakon što je ispražnjeno. Sačmarice prelamače moraju biti prelomljene (otvorene) kako bi se dokazalo da je oružje prazno. Za vrijeme pauze, oružje se odlaže u za to predviđene šoške ili stalke koji se nalaze na mjestima za odmor strijelaca.
- 2.11. **Zaštita sluha** – preporučuje se svim strijelcima i ostalom osoblju da nose antifone za uši, čepiće ili sličnu zaštitu, kada se nalaze u neposrednoj blizini linije gađanja. Strijelcima nije dozvoljeno zaštitno sredstvo za uši povezano s bilo kojim tipom sredstva za prijem audio signala.
- 2.12. **Zaštita očiju** – Preporučuje se svim strijelcima da za vrijeme gađanja nose streljačke naočale otporne na rasprskavanje ili sličnu zaštitu za oči.

3. O SLUŽBENOJ DISCIPLINI

Službene discipline SS BiH obuhvataju dio službenih disciplina ISSF za koje su stvoreni kadrovski i materijalni preduslovi.

3.1. DISCIPLINE DOMAĆEG PROGRAMA

Na nivou SS BiH podržavaju se discipline ISSF programa, kako slijedi:

TRAP 125 META Juniori (M/Ž) Seniori (M/Ž) Veterani (M/Ž)

Disciplina Skeet 125 meta i Parni trap 150 meta trenutno nisu aktivne jer ne postoji strelište ili streljački klub koji praktikuje ovu disciplinu streljaštva.

Ukoliko se ukaže potreba za proširenjem disciplina podržanih od strane SS BiH, Upravni odbor će donijeti odluku o proširenju broja disciplina s tim da je prva godina provođenja discipline pokazna, kako bi se utvrdio interes članstva i materijalne osnove.

3.2. STRELJAČKE KATEGORIJE I DOBNE GRUPE

- 3.2.1.** Dobna grupa juniora, odnosno kategorija juniora i juniorki obuhvataju takmičar koji su na dan 31. decembra, godine u kojoj se takmiče, mlađi od 21 godine. Takmičari ove kategorije mogu nastupiti i u prvoj sljedećoj kategoriji tj. seniorskoj kategoriji.
- 3.2.2.** Dobna grupa seniora, odnosno kategorija seniora i seniorki u pravilu obuhvataju takmičare koji na dan 31. decembra, godine u kojoj se takmiče, stariji od 20 godina.
- 3.2.3.** Ukoliko ovim Pravilnikom nije predviđena posebna kategorija u pojedinoj disciplini ili nije prijavljen dovoljan broj takmičara za pojedinu kategoriju, dopuštena je mogućnost objedinjavanja kategorija u starijoj dobnoj grupi ili muškoj kategoriji određene dobne grupe.
- 3.2.4.** Dobnu grupu veterana, odnosno kategoriju veterana i veteranki, u pravilu obuhvataju takmičari koji su na dan 31. decembra godine u kojoj se takmiče, stariji od 55 godina. U okviru ove dobne grupe, moguće je formirati potkategorije i to:

A – od 55 do 59 godina

B – od 60 do 69 godina

C – od 70 do 79 godina

D – od 80 godina

Ukoliko u pojedinoj disciplini nije prijavljen dovoljan broj takmičara za pojedinu kategoriju, odnosno potkategoriju, dozvoljena je mogućnost objedinjavanja kategorija u mlađoj dobnoj grupi ili muškoj kategoriji određene dobne grupe.

4. STANDARDI STRELIŠTA I META

Standardi strelišta i meta za discipline ISSF programa detaljno su obrađeni u okviru Opštih tehničkih pravila ISSF (poglavlja 6.3 i 6.4) te je potrebno biti upoznat sa ovim dokumentom kako bi se primjena u praksi decidno provodila.

- 4.1. Opšti standardi za strelišta za leteće mete.** Strelišta koja se grade na sjevernoj hemisferi, trebaju biti pozicionirana tako da se gađanje vrši prema sjeveru ili smjeru sjeveroistoka. Tako postavljena strelišta omogućavaju da je sunce iza leđa strijelaca što je više moguće za vrijeme trajanja gađanja.
- 4.2.** Rov za trap mora biti izrađen tako da je gornja površina rova na istoj visini sa površinom streljačkih mjesta. Unutrašnje mjere rova za Trap trebaju biti približno 20 metara od jednog do drugog kraja rova, 2 metra širine i 2 do 2,10 metara od poda do unutrašnje strane plafona. Te dimenzije omogućavaju osoblju slobodno kretanje i osiguravaju dovoljno prostora za smještaj meta.
- 4.3.** Uređaji za izbacivanje glinenih meta moraju biti pričvršćeni za prednji zid rova a njihov broj po svakom rovu mora biti 15 komada. Uređaji su podijeljeni u 5 grupa te po 3 uređaja u svakoj grupi. Središte svake grupe označeno je obojenim znakom na vrhu rova, koji mora biti smješten tako da ukazuje na tačku iznad središnjeg uređaja svake grupe, na kojoj se mora pojaviti meta kada se izbacuje sa otklonom od 0*. Razmak između uređaja u svakoj grupi je isti, od 1.00 m do 1.10 m. Razmak između srednjih uređaja susjednih grupa treba biti 3.00 m do 3.30 m.

- 4.4.** Uređaji u rovu moraju biti instalirani tako da je zglob poluge sa kandžom maksimalno 0,50 m ispod gornje površine krova rova i maksimalno 0,50 m povučen unazad od prednje strane krova rova, kada je uređaj podešen za visinu od 2,00 m. To se naziva tačka izbacivanja. Uređaji mogu biti automatski (sami se pune i napinju), poluautomatski (ručno se pune a automatski napinju) ili ručni (ručno se pune i napinju). Svaki uređaj mora biti opremljen sredstvom za pečačenje ugla elevacije a nakon toga, snagu opruge pregleda i prihvata žiri. Svaki uređaj mora imati mogućnost postavljanja mete uvijek na isto mjesto. Svi uređaji koji se pune ručno, moraju biti opremljeni sa dva osigurača. Osigurači su neophodni kako bi se spriječilo slučajno ili namjerno pokretanje mete unaprijed ili unazad na poluzi, čime bi bio izmjenjen ranije određeni pravac mete. Svaki uređaj mora imati označene nivoe i uglove sa vrijednosnom podjelom od 10 stepeni.
- 4.5.** Uređaji se pojedinačno okidaju (oslobađaju) električno-ručnim ili električno-mikrofonskim sistemom. Sredstva za oslobađanje meta moraju osigurati jednaku raspodjelu meta svakom strijelcu u okviru serije od 25 meta. Ta raspodjela mora biti : 10 meta u desno, 10 meta u lijevo i 5 meta pravo. Sa ispravnim rasporedom u serijama od 25 meta, svaka grupa uređaja mora izbacivati dvije mete iz lijevog uređaja, dvije mete iz desnog uređaja i jednu metu iz srednjeg uređaja svake grupe, kako strijelci napreduju od mjesta 1 do 5. Poslije svakih 5 meta, selekcijska kazaljka se mora pokrenuti za jednu tačku unaprijed. Mete se oslobađaju unutar vertikalnih limita od 1,5 do 3,5 metra i horizontalnih limita od 0* do 45 * te sa daljinom doleta od 76 metara (+- 1 m).
- 4.6.** Streljačka mjesta, kojih ima pet, moraju biti postavljena u pravoj liniji u razmaku od 15 metara iza prednje ivice rova. Svako mjesto mora biti jasno obilježeno, površine 1x1 metar, postavljeno uspravno na liniju koja se proteže između streljačkih mjesta i srednjeg uređaja u svakoj grupi od tri. Mjesto broj 6 postavlja se oko dva metra iza i malo lijevo od mjesta broj 1, gdje strijelac broj 6 može zauzeti svoje mjesto. Svih šest streljačkih mjesta mora biti opremljeno stalkom ili klupom, gdje strijelci mogu odložiti municiju i drugu opremu. Mjesta moraju biti čvrsta i potpuno vodoravna. Svako mjesto u prednjem lijevom ili desnom uglu mora imati komad prostirke ili gume oko 15 cm površine, kvadratnog ili okruglog oblika, na koju strijelac može osloniti svoju pušku.
- 4.7.** Na dva do tri metra iza linije streljačkih mjesta mora biti izvedena staza kojom se strijelci obavezno kreću od mjesta 5 prema mjestu 6. Strijelci ne smiju ići između staze i streljačkih mjesta. Žica, uža ili druga prikladna prepreka mora biti postavljena 5-7 metara iza staze za povratak. Unutar tog područja ne smiju se nalaziti gledaoci. Sudija i članovi žirija odgovorni su za provođenje tog pravila. Streljačka mjesta i mjesta za sudije moraju imati odgovarajuću zaštitu od sunca i kiše.
- 4.8.** Streljište mora biti opremljeno elektronskim ili mehaničkim semaforom za prikaz rezultata.
- 4.9.** Mete za ovu disciplinu su okruglog oblika prečnika 110 mm (+- 1mm), visine 25-26 mm, težine 105 g (+- 5 g) narandžaste boje. U svim programima ISSF prvenstava, boja mete mora biti jasno vidljiva na pozadini streljišta pod normalnim svjetlosnim uslovima. Mete iste boje se moraju koristiti i za trening i za takmičenje. Za finalno takmičenje moraju se koristiti mete punjenje obojenim prahom („Flash“) koje

udovoljavaju istim specifikacijama. Lomljivost meta mora biti takva da mogu odoliti sili uređaja prilikom izbacivanja na udaljenost od 80 m i biti lako lomljive sa normalno punjenim mecima za Trap unutar propisane streljačke udaljenosti.

5. OPREMA I MUNICIJA

- 5.1. Svi uređaji, municija ili oprema koji nisu pomenuti u ovom Pravilniku ili koji su u suprotnosti sa duhom ISSF propisa i pravila, nisu dozvoljeni. Žiri ima pravo da provjeri i ispita takmičarevo oružje, municiju i opremu u bilo koje vrijeme. Vođe ekipa snose odgovornost za izgled i upotrebu opreme od strane svojih strijelaca u skladu sa ovim Pravilnikom, kao i oni sami.
- 5.2. Oružje koje je dozvoljeno za korištenje na takmičenjima su svi tipovi sačmarica sa glatkim, neolučenim cijevima pod uslovom da njihov kalibar ne prelazi 12. Puške manjeg kalibra se mogu koristiti.
- 5.3. Remnici ili podvezi na puškama su zabranjeni.
- 5.4. Promjena oružja ili njegovih dijelova, uključujući čok nije dozvoljena između pozicija za pucanje u toku samog takmičenja, izuzev ukoliko je to sudija dozvolio zbog kvara na oružju.
- 5.5. Kompezatori ili ostala oprema koja služi u tu svrhu za cijev puške strogo su zabranjeni pravilima ISSF na takmičenjima. Sidrišta u samim cijevima su prihvatljiva pod uslovom da su urađena izvorno od strane proizvođača.
- 5.6. Municija koju je dozvoljeno koristiti su one patrone čija dužina čahure kod ispaljenog metka ne smije prelaziti standardnu dužinu od 70 mm. Punjenje metka ne smije preći 24 g (tolerancija +0,5 g). Sačma mora biti okruglog oblika, olovna, od legure olova ili supstituirajućih materijala prečnika ne većeg od 2.5 mm (tolerancija +0,1 mm). Upotreba metaka na crni barut, zapaljivih ili drugih specijalnih tipova metaka je zabranjena. Nikakve unutrašnje promjene ne smiju biti primjenjene kao što su izmjene komponenti punjenja i slično a koje bi uticale na disperziju sačme.
- 5.7. Sudija ili član žirija može izvaditi neispaljen metak iz takmičarske puške radi kontrole.
- 5.8. Odjeća svakog strijelca mora biti u duhu sportske odjeće kao što su sportske trenerke, pantalone, majce, šorcevi ili bermude čiji kraj nogavice može biti najviše 10 cm iznad sredine pregiba koljena. Majce i slična odjeća bez rukava nije dozvoljena kao i odjeća u džins ili kamuflažnim-maskirnim bojama.
- 5.9. Obuća kod strijelaca mora biti u vidu sportskih patika ili cipela a strogo je zabranjeno nositi na vatrenoj liniji papuče, japanke, klompe i sličnu obuću koja je namjenjena za odmor i relaksaciju.
- 5.10. Obaveza svakog takmičara je da se na streljačkom mjestu pojavi pristojno odjeven, kako to i dolikuje javnom nastupu.

- 5.11.** Svaki takmičar mora posjedovati namjenski prsluk koji mora imati džepove za nošenje municije kao i za postavljane takmičarskog/startnog broja a koji se mora nositi na leđima prsluka iznad struka, cijelo vrijeme trajanja zvaničnog treninga i takmičenja. Ukoliko strijelac ne nosi takmičarski broj, ne može započeti/nastaviti takmičenje.
- 5.12.** Svi takmičari moraju poštovati ISSF pravila o prihvatljivosti i sponzorstvu koji je obrađen posebnim odjeljkom (4. Statuta zvaničnih pravila i propisa) a koji sadrži pravila nadmetanja na ISSF takmičenjima u vezi amblema, sponzorstva, promocije i komercijalnog marketinga odjeće zajedno sa kontrolom i sankcijama.

6. SLUŽBENO OSOBLJE NA TAKMIČENJU

- 6.1.** Službeno osoblje na ISSF takmičenjima su: Žiri takmičenja, šef strelišta-komesar takmičenja, sudije na čelu sa glavnim sudijom.
- 6.2.** Dužnosti i funkcija žirija je da utvrdi prije početka takmičenja, da li je strelšte i organizacija takmičenja usaglašena sa propisima ISSF.
- 6.3.** Tokom takmičenja, dužnost žirija je:
- Da nadgleda takmičenje;
 - Da osigura primjenu pozitivnih streljačkih pravila i da donosi odluke u svim slučajevima koji nisu predviđeni ovim Pravilnikom;
 - Da pregleda i kontroliše municiju, oružje i opremu takmičara u svako vrijeme na strelštu;
 - Da donosi pojedinačne odluke u duhu i smislu ISSF pravila i propisa;
 - Da donosi odluke u smislu sankcionisanja i kažnjavanja učesnika koji se ne pridržavaju propisa i čije ponašanje nije u sportskom duhu;
 - Da se bavi svim prigovorima koji su podneseni u saglasnosti sa ISSF pravilima i propisima i primjenom ISSF propisa o prihvatljivosti komercijalnih obilježja na odjeći i opremi.
- 6.4.** Glavnog šefa strelišta imenuje Organizacioni odbor. On je odgovoran za sva tehnička i logistička pitanja u vezi pripreme i pravilnog provođenja takmičenja.
- 6.5.** Dužnosti šefa strelišta su sledeća:
- Da daje instrukcije i da nadgleda pripremu strelišta prema tehničkim i sigurnosnim propisima koji su dati ISSF-ovim tehničkim pravilima predviđenim za određena takmičenja;
 - Da izdaje naredbe i nadgleda pripremu pomoćnih kapaciteta i sredstava kao što su prostori za oružje i municiju, tehničku i medicinsku službu, pomoćno osoblje i dr.;
 - Da izdaje naredbe i nadgleda pripremu glinenih golubova za trening i takmičenje. Također, da obezbjedi specijalne mete punjene obojenim prahom potrebne za finalnu seriju;
 - Da pripremi metričku vagu koja će u decimalama mjeriti težinu metaka i glinenih golubova kao i instrumente za provjeru dimenzija glinenih golubova i metaka;
 - Da pripremi raspored strijelaca za vježbu i trening kao i program nastupa za takmičenje, uključujući i takmičarske liste;

- f) Da organizuje radne sastanke zvaničnih lica takmičenja sa vođama ekipa kao i ždrijebanje prije početka takmičenja,uz pomoć i u saradnji sa žirijem za kvalifikacije;
- g) Da uz saglasnost žirija,donosi odluke o promjenama satnice za takmičenje, kao i o prekidu takmičenja iz sigurnosnih ili drugih razloga;
- h) Da imenuje,uz saglasnost Organizacionog odbora,glavnog sudiju koji se bira sa liste predloženih sudija;
- i) Obavlja sve gore navedene obaveze uz tijesnu saradnju sa žirijem,glavnim sudijom i ostalim osobljem.

6.6. Sve osobe koje su postavljene za sudije na ISSF takmičenjima,moraju posjedovati važeću ISSF sudijsku licencu za suđenje na nivou tog takmičenja.

6.7. Glavni sudija ima sledeće obaveze:

- a) Nadgleda pomoćne sudije;
- b) Daje uputstva i informacije pomoćnim sudijama o dogovorima u vezi organizacije i procedure takmičenja;
- c) Priprema raspored i određuje dužnosti sudija;
- d) Priprema strelište za aktuelno takmičenje tako što obezbjeđuje da mašine budu podešene po predviđenoj šemi za taj dan takmičenja kao da sva oprema na strelištu bude pravilno raspoređena,kao što je tabla za rezultate, sjedišta za pomoćne sudije i zapisničare itd.;
- e) Daje uputstva operaterima u vezi mašina i fonopulta sa posebnim osvrtom na sigurnost;
- f) Donosi odluke,uz saglasnosti žirija,kao što su kada i u koje vrijeme takmičar,koji je morao da napusti svoju grupu da bi otklonio kvar na oružju ili je bio proglašen odsutnim,može dobiti dozvolu da završi svoju seriju;
- g) Da obavještava Komesra takmičenja-šefa strelišta o bilo kom nastalom mehaničkom ili drugom problemu.

6.8. Sudije – Takmičenje mora voditi sudija sa bogatim iskustvom u streljaštvu letećih meta kao i u poznavanju oružja za takmičenje.Njegova glavna obaveza je da donosi trenutne odluke u vezi pogodaka ili promašaja mete, ponavljanja i slično i mora dati jasan znak za sve promašene mete.Sudija također donosi odluku o onesposobljenim puškama i kvarovima.Sudija može dati opomenu (žuti karton) strijelcu za kršenje pravila i mora evidentirati takve opomene u zvaničnu tabelu rezultata na strelištu.Sudija ne može dati kazne ili vršiti diskvalifikaciju iz nadležnosti žirija.

6.9. Sudiji moraju pomagati tri pomoćne sudije koje imenuje glavni sudija redom između takmičara,obično onih koji su pucali u prethodnoj grupi.Organizacioni odbor može obezbjediti i kvalifikovane pomoćne sudije.

6.10. Svaki takmičar mora obavljati ovu funkciju ako je za nju izabran.

6.11. Ako se takmičar koji je određen da bude pomoćni sudija,ne pojavi na svojoj poziciji za suđenje bez davanja razumnog objašnjenja za odbijanje ovog zaduženja ili obezbjeđenja adekvatne zamjene,bit će kažnjen umanjeanjem rezultata za po jednog goluba od svog konačnog rezultata za svako odbijanje suđenja.Sledeća odbijanja mogu imati za posljedicu i diskvalifikaciju sa takmičenja.

- 6.12.** Glavna obaveza pomoćnog sudije je da prati svakog izbačenog goluba i da odmah, poslije pucnja daje znak ako smatra da je meta promašena. On mora pažljivo posmatrati da li je meta slomljena prije ispaljenog hitca.
- 6.13.** Po jedan od pomoćnih sudija mora biti postavljen sa svake strane poligona, tako da može posmatrati kompletnu zonu gađanja. Treći pomoćni sudija mora biti postavljen pored table za evidentiranje rezultata radi praćenja i evidentiranja rezultata svakog ispaljenog hitca.
- 6.14.** Sudija mora donijeti trenutnu odluku da li je meta pogođena ili promašena, da li treba ponoviti izbacivanje mete, da li ima neregularnih meta ili nekih drugih odstupanja od pravila. Ukoliko je moguće, on mora izreći „nova meta“ ili dati neki drugi signal prije nego što takmičar opali hitac. Neregularna meta zahtjeva trenutnu reakciju i veoma preciznu odluku sudije.
- 6.15.** Meta (golub) proglašena od strane sudije kao „nova meta“ mora uvijek biti ponovljena, bez obzira da li je ili ne pogođena od strane strijelca
- 6.16.** Sudija uvijek sam donosi konačnu odluku. Ako je neki od pomoćnih sudija suprotnog mišljenja, obaveza mu je da na to skrene pažnju sudije podizanjem ruke ili na neki drugi način. Poslije konsultacije, sudija donosi konačnu odluku.
- 6.17.** U spornim situacijama, sudija mora konsultovati pomoćne sudije prije donošenja konačne odluke.
- 6.18.** Na sudijsku odluku može se uložiti žalba u dijelu koji se odnosi na tumačenje i primjenu propisa. Odluka sudije je konačna i ne može se uložiti nikakva žalba u slučajevima koji se odnose na pogodak, promašaj ili neregularnu metu.
- 6.19.** Sudija i pomoćne sudije, pod kontrolom žirija, odgovorni su za primjenu sigurnosnih propisa i pravilno vođenje takmičenja.

7. POSTUPCI I PRAVILA TAKMIČENJA

7.1. Program takmičenja

Disciplina	Broj meta Muškarci	Broj meta Žene
Trap	125	125
Automatski trap	125	125
Skeet	125	125
Dubl trap	150	150

- 7.2.** Za discipline Trap, Skeet i Automatski trap takmičenje u pojedinačnoj konkurenciji za muškarce i žene se sastoji od 125 meta za ISSF prvenstva koje se gađaju u 5 (pet) serija po 25 meta. Serije se mogu podijeliti u dva dana gađanja i to 75+50 meta.
- 7.3.** Za disciplinu Dubl Trap, takmičenje se sastoji od 150 meta za ISSF takmičenja a koje se gađaju u 3 (tri) serije od po 25 duplih meta, uglavnom u jednom takmičarskom danu.

- 7.4. Prije samog takmičenja, strijelcima se mora omogućiti jedan dan zvaničnog treninga.
- 7.5. Strijelac mora stojati sa oba stopala u okviru prostora određenog na streljačkom mjestu.
- 7.6. Regularna, ispravna meta je svaka nepolomljena meta, pozvana od strane strijelca i lansirana u skladu sa ovim pravilnikom.
- 7.7. Polomljena meta je svaka ona meta koja je lansirana nekompletna iz rova. Strijelac kome se pojavi takva meta mora ponoviti hitac na ispravnu metu, bez obzira da li je slomljenu metu pogodio ili ne.
- 7.8. **Disciplinska pravila** – Obaveza takmičara je da bude na strelištu prema predviđenoj satnici sa svom opremom, oružjem i municijom te spreman za pucanje.
- 7.9. Ako takmičar nije prisutan na strelištu kada je prozvan, sudija mora glasno i razgovjetno viknuti takmičarevo ime i prezime 3 (tri) puta u roku od jednog minuta. Ukoliko se takmičar ne pojavi u toku tri poziva, sudija ga mora glasno i razgovjetno proglasiti odsutnim. Od tog trenutka, strijelac koji je proglašen ne smije se pridružiti grupi i takmičenje mora početi bez njega. Takmičaru može biti dozvoljeno da naknadno otpuca zaostalu seriju na strelištu u vrijeme koje odredi glavni sudija ali takmičar mora biti kažnjen oduzimanjem 3 (tri) mete. Oduzimanje se vrši iz dopunske serije.
- 7.10. Ukoliko takmičar zakasni na takmičenje a moguće je dokazati da je kašnjenje posljedica okolnosti van njegove kontrole i uticaja, žiri mora kada je to moguće, omogućiti učešće takmičaru bez remećenja ukupnog programa gađanja. U tom slučaju će Šef strelišta odrediti kada i na koji način će strijelac pucati ali bez oduzimanja poena.
- 7.11. Takmičar koji je proglašen odsutnim, mora se javiti glavnom sudiji prije nego što je njegova grupa završila seriju koju je propustio i zatražiti odobrenje da puca propuštenu seriju. Ukoliko takmičar ovako ne postupi, mora biti diskvalifikovan sa takmičenja.
- 7.12. Ukoliko takmičar koristi oružje i municiju koji nisu dozvoljeni ovim pravilima, svi golubovi pogođeni takvim oružjem ili municijom će biti tretirani kao promašaji. Ukoliko žiri utvrdi da je takmičar napravio takav prekršaj namjerno, može ga diskvalifikovati sa takmičenja. Ukoliko žiri utvrdi da takmičar nije odgovoran za utvrđenu nepravilnost i da se korištenjem nedozvoljenih sredstava nije ostvarila nikakva bitna prednost, žiri može odustati od kazne i zanemariti nepravilnost.
- 7.13. Ukoliko takmičar napusti svoju grupu zbog razloga kvara na oružju ili zbog drugih razloga koji su predviđeni ovim pravilima, mora mu se odobriti da kasnije puca na preostale golubove iz te prekinute serije.
- 7.14. Strijelac koji koristi dvocjevku sa jednim obaračem mora prijaviti sudiji, prije početka takmičenja iz koje cijevi prvo puca. Ukoliko to ne učini, smatraće se da strijelac prvo puca sa donjom cijevi.

- 7.15.** Ukoliko takmičar napusti svoju grupu bez razloga koji su predviđeni ovim pravilima ili bez razloga koje je prihvatio i odobrio sudija, svi preostali golubovi iz te serije bit će tretirani kao promašaji.
- 7.16.** Svi ostali prekršaji koji nisu obuhvaćeni prethodnim propisima, sankcionišu se davanjem opomene takmičaru koji ih je prvi put učinio. Svaki sledeći slučaj u istoj seriji kažnjava se oduzimanjem jednog goluba.
- 7.17.** Nesportsko ponašanje ili namjerno izbjegavanje ovih propisa može imati za posledicu opomenu, oduzimanje mete ili diskvalifikaciju sa takmičenja na osnovu odluke žirija ili odbora za žalbe.
- 7.18.** Pravila za disciplinu Trap – pucanje serija u Trapu se odvija na sledeći način:
- 7.19.** Grupu za takmičenje čini 6 (šest) takmičara. Grupu može činiti i manje strijelaca ukoliko tako odredi žiri ili Organizacioni odbor.
- 7.20.** Kada je takmičar spreman za pucanje, mora osloniti pušku na rame i jasno i glasno pozvati goluba nekim glasovnim tonom, poslije čega golub mora odmah biti izbačen. Takmičar ne smije napustiti svoje pucačko mjesto prije nego što strijelac sa njegove desne strane ispali hitac na ispravnu metu sa poznatim rezultatom, osim kada takmičar završava gađanje na poziciji 5 (pet). U tom slučaju takmičar mora odmah da pođe na poziciju 6-1, vodeći računa da ne uznemirava takmičare na vatrenoj liniji iza kojih prolazi.
- 7.21.** Takmičar treba da zauzme stav, napuni pušku i pozove goluba u roku od 10 sekundi od trenutka kada je strijelac sa njegove lijeve strane pucao na ispravnu metu ili od trenutka kada je sudija dao signal za početak. U slučaju da se predviđeni vremenski interval ne poštuje, primjenjuje se kazna iz člana 7.15. (Prvi puta opomena, svaki sledeći slučaj u toj seriji se kažnjava oduzimanjem jednog goluba).
- 7.22.** Prije početka takmičenja kao i poslije svakog narednog podešavanja trap mašina, mora biti lansirana probna meta iz svake mašine u nizu.
- 7.23.** Ukoliko je serija na takmičenja prekinuta duže od 5 (pet) minuta zbog tehničkog kvara a ne zbog propusta takmičara, prije nastavka serije mora se omogućiti takmičarima da vide jednu regularnu metu.
- 7.24.** Na svaku metu mogu biti ispaljena 2 (dva) hica, osim u finalnoj seriji kada se gađanje vrši sa jednim metkom.
- 7.25.** Na početku svake serije, prvih pet strijelaca moraju stati na streljačke pozicije od 1 do 5 a šesti strijelac mora ostati iza pozicije 1 na pripremnoj poziciji broj 6, spreman za pomjeranje odmah nakon što je strijelac broj 1 završio gađanje. Nakon što je strijelac broj 1 pucao na ispravnu metu, on se mora pripremiti za pomjeranje na poziciju broj 2 odmah nakon što strijelac sa te pozicije puca i tako redom. Kada strijelac na poziciji broj 5 izvrši pucanje, mora se odmah iza vatrene linije uputiti ka poziciji broj 6. To kruženje traje sve dok svaki takmičar ne otpuca na svih 25 meta.

- 7.26. Kada je takmičar izvršio glasovni poziv goluba, on mora biti trenutno lansiran. Dozvoljava se samo vrijeme za reakciju puštanja goluba iz rova putem električnog ili zvučno-mehaničkog sistema.
- 7.27. Ukoliko meta nije trenutno lansirana poslije strjelčevog poziva, on može odbiti gađanje spuštajući pušku sa ramena.
- 7.28. Mašine za Trap moraju biti podešene prije početka takmičenja. Podešenost provjerava, odobrava i ovjerava žiri. Nova podešavanja moraju se vršiti poslije svakog dana takmičenja. Mašine se moraju podešavati prema šemama od broja 1 do broja 9.
- 7.29. Visina putanje mete iznad nivoa krova rova, na udaljenosti od 10 m ispred tačke izbacivanja mora biti između 1,5 i 3,5 metara. Dozvoljena je tolerancija od 0,5 m u visini (minimum 1 m a maksimum 4 m).
- 7.30. Sa elevacijom izbačaja od 2 m na udaljenosti 10 m od rova, pravilno lansirana meta će dostići 75 m (+ - 1 m), mjereno na nivou zemljišta.
- 7.31. Meta mora biti izbačena u prostor omeđen uglom od minimalno 30 a maksimalno 45 stepeni desno i lijevo od zamišljene centralne linije povučene kroz centar rova i streljačke pozicije broj 3 (tri). Horizontalni ugao se mjeri od prednje linije rova.
- 7.32. Visina i dužina leta moraju se podešavati odvojeno na svakoj mašini kada je ona fiksirana na poziciji 0* . Poslije podešavanja visine i dužine leta moraju se podesiti uglovi za svaku mašinu mjereno iznad gornje površine svake mašine.
- 7.33. Kada se takmičenje organizuje u trajanju od dva dana (75+50 meta) , prvog dana se puca na odabranoj šemi na 75 meta dok se drugog dana puca na drugoj šemi koja se odabere na 50 meta. Finalna serija se po pravilu puca na posebnoj šemi koja se odabere za vrijeme ždrijeba.
- 7.34. U slučaju organizacije takmičenja u jednom danu, šema se mora mijenjati nakon svakih 50 meta.
- 7.35. Kada su mašine podešene i provjerene od strane žirija, sa svake mašine u nizu mora biti lansirana po jedna probna meta. Ovoj probi trebali bi da prisustvuju takmičari. Podešavanje mašina po šemama mora biti organizovano i provjereno od strane žirija svakog dana prije početka takmičenja. Jedna probna meta mora biti izbačena za svaku grupu prije nego strijelci započnu svoju seriju.
- 7.36. **Neregularne mete** – svaka meta koja se kreće drugom putanjom od one predviđene ovim Pravilnikom u pogledu ugla, visine i dužine leta, smatraće se neregularnom.
- 7.37. Meta se smatra pogođenom kada je lansirana i pogođena prema pravilima i kada je najmanje jedan njen vidljiv dio odlomljen.
- 7.38. Meta se proglašava promašenom kada:
- Nije pogođena za vrijeme leta;
 - Samo je okrnuta a ni jedan vidljivi dio nije odlomljen;

- c) Strijelac nije pucao na regularnu metu koju je pozvao;
- d) Strijelac nije mogao pucati zato što nije otkočio pušku ili je nije napunio;
- e) Prvi hitac je promašaj a strijelac je propustio da puca drugi hitac zbog toga ako je zaboravio staviti drugi metak u cijev, ako se kočnica sama spustila nakon opaljenja prvog metka ili nije do kraja oslobodio okidački mehanizam za opaljenje drugog metka;
- f) U slučaju neispravnosti puške ili municije, ako strijelac otvori pušku ili dotakne kočnicu prije nego što sudija pregleda njegovo oružje;
- g) Ako je to treći ili jedan u nizu kvarova na pušci ili municiji kod istog strijelca u jednoj seriji od 25 meta;
- h) Strijelac ne puca iz bilo kojeg drugog razloga koji je njegova greška.

7.39. Bez mete („novi golub“) novi golub je ona meta koja nije lansirana u skladu sa ovim propisima. Odluka o novom golubu je isključivo uvijek u nadležnosti sudije.

7.40. Meta proglašena „novi golub“ od strane sudije mora biti ponovljena, bez obzira da li je strijelac pucao ili nije i da li je bio pogodak ili ne. U tom slučaju, nova meta mora biti lansirana sa iste mašine čija je posljedica nastali problem. Strijelac ne može odbiti metu čak i onda kada smatra da je ona bila lansirana sa druge mašine u istoj grupi.

7.41. Ako je strijelac pucao na ispravnu metu a neispravnost ili kvar se dogodio kod drugog hitca, golub mora biti ponovljen sa iste mašine.

7.42. Poslije komande „nova meta“ ,meta mora biti lansirana bez obzira da li je strijelac pucao ili ne ako:

- a) Ako se pojavi polomljena ili neregularna meta;
- b) Ako je meta lansirana sa mašine iz neke druge grupe;
- c) Ako su dvije ili više meta lansirane istovremeno sa mašina iste grupe ili iz raznih grupa na strelištu;
- d) Ako je meta izrazito drugačije boje od onih koje su korištene za vrijeme takmičenja i treninga;
- e) Ako je strijelac pucao kada nije bio njegov red.

7.43. Nova meta mora biti lansirana ukoliko strijelac i nije pucao na nju kada:

- a) Ako je meta lansirana prije nego što ju je strijelac pozvao;
- b) Ako meta nije lansirana odmah poslije poziva strijelca i on odbije da puca skidanjem puške sa ramena;
- c) Ako strijelčev prvi metak na opali, bez obzira da li je u pitanju neispravnost metka ili puške a strijelac nije izvršio ispucavanje drugog metka. Ukoliko je ipak došlo do ispaljenja drugog metka, rezultat se mora registrovati;
- d) U slučaju trećeg ili jednog u nizu neispravnosti ili kvarova, meta se češće proglašava promašenom nego što se dodjeljuje nova meta;

7.44. Druga meta mora biti lansirana čak i ako je strijelac već pucao na nju kada:

- a) Ako je prvi hitac promašaj a drugi metak ne opali, bez obzira da li je u pitanju neispravnost municije ili oružja, u tom slučaju meta mora biti promašena prvim metkom i pogođena ključivo drugim metkom. Ako meta bude pogođena prvim metkom, proglašava se promašaj.
- b) Ako je strijelac vidljivo ometen nekim vanjskim faktorom;

- c) Ako je drugi strijelac pucao na njegovom mjestu;
- d) Ako sudija nije u stanju, iz bilo kog razloga, presuditi da li je meta pogođena, promašena ili se radi o novoj meti. U tom slučaju, glavni sudija mora konsultovati pomoćne sudije.
- e) Ako strijelac dođe na red za gađanje i nehotično opali hitac prije nego je pozvao metu. Slučajno opaljivanje hitca može imati za posljedicu kažnjavanje ili diskvalifikaciju strijelca sa takmičenja zbog nebezbednog oružja ili nepažljivog rukovanja; Ukoliko je poslije prvog hitca meta lansirana i strijelac je prihvati i puca na nju drugim metkom, postignuti rezultat mora biti evidentiran.

7.45. Novi golub se ne smije dosuditi ako su oba hitca ispaljena istovremeno ili u trenutnom ponavljanju. U tom slučaju se evidentira postignuti rezultat koji je postignut ispaljivanjem oba hitca.

8. ADMINISTRATIVNE AKTIVNOSTI PRIJE TAKMIČENJA

- 8.1.** Strijelci i vođe timova moraju biti obavješteni o tačnoj satnici i rasporedu gađanja dan prije samog takmičenja. Ovo pravilo važi i za zvanični trening.
- 8.2.** Vođe timova moraju izvršiti finalnu prijavu učesnika poimenično za individualna i ekipna takmičenja Organizacionom odboru najmanje dva dana prije početka takmičenja i time potvrditi preliminarnu prijavu koju su dužni poslati ranije.
- 8.3.** Ukoliko je nužno vršiti promjenu rasporeda, strijelci o tome moraju biti blagovremeno obavješteni kako bi se na vrijeme prilagodili novonastalim promjenama.
- 8.4.** Ukoliko je strijelac ispalio svoj prvi metak u takmičenju i mora se povući, ne može biti zamjenjen drugim strijelcom.
- 8.5.** Obaveza strijelca je da bude na strelištu u pravo vrijeme prema usvojenom rasporedu i satnici sa oružjem, municijom te ostalom potrebnom opremom.
- 8.6.** Jednom kada takmičenje počne, mora se odvijati bez prekida prema programu osim u slučajevima mehaničkih prekida. Samo glavni sudija uz odobrenje žirija, može prekinuti gađanje u slučaju jačeg nevremena ili uslova koji onemogućavaju normalno gađanje na strelištu.
- 8.7. Redosljed takmičenja-određivanje grupa** – Grupa je u većini slučajeva sastavljena od 6 strijelaca osim kada ždrijebanjem to bude drugačije određeno;
- 8.8.** Kada god je to moguće na zvaničnim takmičenjima, ždrijebanje treba izvršiti tako da strijelci u jednog grupi budu iz različitih klubova ;
- 8.9.** Raspored strijelaca po rasporedu gađanja mora se obaviti pod nadzorom Komesara takmičenja uz asistenciju tehničke službe Organizacionog odbora;

- 8.10.** Redosljed takmičara se može mijenjati iz dana u dan po slobodnoj odluci Organizacionog odbora ali pod nadzorom žirija. To može biti urađeno tako da strijelci iz svake grupe nastupe obrnutim redom ili cjepanjem grupe.

9. NEPRAVILNOSTI

- 9.1.** U slučaju neispaljenja hitca iz bilo kog razloga, strijelac mora ostati na poziciji za gađanje sa puškom uperenom u pravcu dijela strelišta gdje lete mete s tim da se puška ne smije otvoriti niti se smije dirati poluga kočnice dok sudija ne pregleda pušku.
- 9.2.** Puška će se smatrati neispravnom ako:
- Ako se iz nje ne može bezbjedno gađati;
 - Ako puška ne može da opali (oštećenje udarne igle ili mehanizma);
 - Ako ne izbacuje čahure usljed mehaničkog defekta.
- 9.3.** Kao neispravnost oružja se ne podrazumjeva sledeće:
- Pogrešno rukovanje oružjem od strane strijelca;
 - Propust da se stavi metak u pravo ležište;
 - Prazna čahura u ležištu metka.
- 9.4.** Odluke o neispravnosti i kvarovima na oružju može donijeti samo sudija.
- 9.5.** Kao neispravnost municije će se smatrati kada se otisak udara udarne igle jasno vidi na kapisli kao i kada je samo kapisla opalila ili pokazuje otiske udara, ako je izostavljeno barutno punjenje ili ako ono nije ispaljeno, ako su komponente metka ostale u cijevi oružja.
- 9.6.** Municija pogrešnog kalibra se ne smatra neispravnom municijom. Stavljanje metaka kalibra 16 ili 20 u pušku kalibra 12 je opasno i može dovesti do kažnjavanja strijelca za nebezbedno rukovanje oružjem.
- 9.7.** Ako sudija odluči da za neispravnost puške ili municije nije kriv strijelac te da se puška ne može dovoljno brzo osposobiti, strijelac se može poslužiti drugom ispravnom puškom ukoliko se ona može obezbjediti u roku od 3 minuta od trenutka kada je puška proglašena neispravnom.
- 9.8.** Strijelac može nakon proglašenog kvara na oružju te dobijene dozvole od strane sudije, napustiti grupu i završiti gađanje na preostale mete iz serije u vrijeme kada mu odredi sudija.
- 9.9.** Strijelcu se dozvoljava najviše dva otkazivanja (zastoji usljed neispravnosti oružja ili municije) u jednoj seriji, bez obzira da li je ili ne mjenjao oružje ili municiju.
- 9.10.** Svaka regularna meta, na kojoj se dogodi neka dodatna neispravnost oružja ili municije, proglasit će se kao promašaj bez obzira da li je strijelac pokušao da puca ili ne.

10. PRAVILA PONAŠANJA ZA STRIJELCE I VOĐE EKIPA

- 10.1.** Pravila ponašanja se odnose na disciplinu na poziciji za gađanje, kršenja pravila ili propisa o bezbjednosti. U slučaju kršenja, strijelcu može biti izrečena opomena (žuti karton) od strane člana žirija, sudije ili zvaničnika strelišta. Kažnjavanje, oduzimanje poena ili slično kao i diskvalifikacija može biti izrečena samo od strane žirija ili žirija za žalbe.
- 10.2.** Svaka ekipa mora imati vođu ekipe koji je odgovoran za održavanje discipline u svom timu. Kao vođa ekipe, na to mjesto može biti imenovan i strijelac. Vođa tima mora saradivati sa šefom strelišta cijelo vrijeme u interesu bezbjednosti, efikasnosti odvijanja takmičenja i sportskog ponašanja. Vođa tima je odgovoran za sve zvanične poslove u vezi svoje ekipe.
- 10.3.** Obaveza vođe tima je da bude u potpunosti upoznat sa propisima i programom takmičenja. On je također odgovoran da njegovi strijelci budu u određeno vrijeme na svojim pozicijama za gađanje kao i na pozicijama za suđenje.
- 10.4.** Vođa tima je odgovoran i za:
- a) Kompletiranje potrebnih formulara koji sadrže potrebne informacije i njihovo dostavljanje zaduženim zvaničnicima u traženom roku;
 - b) Kontrolu rezultata i ulaganje prigovora u slučaju potrebe;
 - c) Provjeru preliminarnih i zvaničnih biltena, rezultata i proglašenja;
 - d) Primanje zvaničnih informacija i zahtjeva i njihovo prenošenje članovima tima.
- 10.5.** Podučavanje nije dozvoljeno za vrijeme zvaničnih takmičenja dok se strijelac nalazi u zoni gađanja. Treneri i instruktori ne smiju biti u streljačkoj zoni.
- 10.6.** Ukoliko zvaničnik tima želi da priča sa svojim takmičarom koji se nalazi u streljačkoj zoni, ne smije ga kontaktirati direktno ili razgovarati sa njim. Za to mora obezbjediti dozvolu sudije ili člana žirija koji će pozvati strijelca van prostora za gađanje.
- 10.7.** Ukoliko vođa tima ili strijelac krše pravila u vezi podučavanja, prvi puta se daje opomena. U ponovljenom slučaju, mora se oduzeti jedna meta od rezultata a vođa tima mora napustiti blizinu strelišta.
- 10.8.** Zabranjena je upotreba radio aparata ili bilo kojih drugih vrsta zvučnih uređaja ili komunikacionih sistema za vrijeme takmičenja ili zvaničnog treninga. Dozvoljena je upotreba samo opreme za smanjenje jačine zvuka-antifona.
- 10.9.** Upotreba mobilnih telefona, toki-voki ili sličnih uređaja od strane takmičara, trenera i službenih lica u zoni održavanja takmičenja je strogo zabranjeno. Svi mobilni telefoni moraju biti isključeni. Pušenje je zabranjeno u streljačkoj zoni.

11. KAZNE ZA PREKRŠAJE-DISCIPLINSKI PROPISI

- 11.1.** U slučaju kršenja pravila ili instrukcija sudije ili žirija, strijelcima se mogu odrediti kazne i to:

- 11.2.** Zvanična opomena od strane člana žirija, sudije ili zvaničnog lica strelišta izražava se pokazivanjem žutog kartona sa natpisom OPOMENA. To mora biti zabilježeno u Izvještaju o incidentima kao i u Zapisniku od strane člana žirija.
- 11.3.** Opomena strijelcu mora biti izrečena tako da ne ostavlja sumnju da je zvanična opomena i mora se pokazati žuti karton. Nije potrebno da opomena prethodi drugoj kazni.
- 11.4.** Oduzimanje poena od rezultata proglašava se od strane člana žirija pokazivanjem zelenog kartona sa natpisom ODUZIMANJE. Ovo mora biti zabilježeno i Izvještaju o incidentima i Zapisnik o gađanju od strane člana žirija.
- 11.5.** Diskvalifikacija se proglašava od strane člana žirija pokazivanjem crvenog kartona sa natpisom DISKVALIFIKACIJA . Ova odluka može biti donijeta samo većinom glasova članova žirija.
- 11.6.** U slučaju diskvalifikacije u finalu, strijelac će biti rangiran na poslednje mjesto među učesnicima finala i njegov rezultat se stavlja u mirovanje.
- 11.7.** Veličina kartona sa kojim se izriču opomene je 70x100 mm u navedenim bojama sa naznačenim natpisima.
- 11.8.** U slučaju otvorenog kršenja pravila u pogledu oružja, odjeće, stava, obučavanja i slično, prvo se daje opomena kako bi strijelac imao priliku da ispravi svoju grešku. Ukoliko strijelac ne ispravi grešku u određenom vremenu , 1 (jedna) meta se oduzima od rezultata. Ako strijelac i dalje ne ispravlja grešku, mora se izvršiti diskvalifikacija.
- 11.9.** U slučaju prikrivenog kršenja pravila kada je greška namjerno prikrivena, mora se odmah izreći diskvalifikacija.
- 11.10.** Kada strijelac na nesportski način ometa drugog strijelca dok ovaj gađa, mora mu se oduzeti 1 (jedna) meta. Ukoliko se incident ponovi, mora se izvršiti diskvalifikacija.
- 11.11.** Ukoliko strijelac pozvan da objasni izazvani incident, svjesno i namjerno daje pogrešnu informaciju bit će kažnjen oduzimanjem 1 (jedne) mete. U ozbiljnim situacijama, može se izreći i diskvalifikacija.
- 11.12.** Ukoliko strijelac rukuje oružjem na opasan način ili krši neko od pravila o sigurnosti na strelištu, može biti automatski diskvalifikovan od strane žirija.

12. PRAVILA ZA RUKOVANJE ORUŽJEM

- 12.1.** Sa svim puškama, čak i kada su prazne, treba rukovati sa posebnom pažnjom.
- 12.2.** Klasične prelamače moraju se stalno nositi prelomljene sa cijevi uperenom u sigurnom pravcu.

- 12.3. Puške koje se ne koriste moraju biti odložene u za to predviđene šoške, police koje se moraju nalaziti na za to označenom mjestu.
- 12.4. Zabranjeno je dirati, pregledati ili rukovati puškom drugog strijelca bez njegovog odobrenja, osim u slučaju kada to čini žiri radi pregleda oružja.
- 12.5. Nišanje je dozvoljeno samo sa pozicije za gađanje ili u za to predviđenom prostoru.
- 12.6. Hitci mogu biti ispaljeni samo kada je strijelčev red za gađanje i kada je meta lansirana.
- 12.7. Nišanje ili gađanje meta drugih strijelaca je strogo zabranjeno.
- 12.8. Namjerno nišanje ili pucanje na žive ptice ili druge životinje je zabranjeno.
- 12.9. Probno pucanje (zagrijavanje) je dozvoljeno svakom strijelcu samo jednom i to prije samog gađanja u prvoj seriji na početku svakog dana takmičenja ali samo uz dozvolu i komandu sudije.
- 12.10. Municija se ne smije stavljati u pušku sve dok strijelac ne zauzme mjesto na poziciji za pucanje, okrenut licem prema bunkeru i puškom uperenom ka zoni leta goluba te poslije sudijine dozvole za početak (start).
- 12.11. Strijelac ne smije napuštati poziciju za gađanje prije nego što prelomi pušku. Kada je gađanje prekinuto, puške se moraju prelomiti i isprazniti.
- 12.12. Strijelci ne smiju prouzrokovati nikakav prekid ili ometanje gađanja osim onih koji su ovim pravilima predviđeni, moraju svoj razgovor ograničiti na zvanje goluba, ulaganje prigovora ili odgovora na pitanja sudije.
- 12.13. Strijelac ne smije zatvoriti svoju pušku prije nego što strijelac prije njega nije završio pucanje na regularnu metu.
- 12.14. Sve puške moraju biti otvorene prilikom pomjaranja između pozicija 1 i 5 te moraju biti nošene otvorene i prazne u pomjaranja sa pozicije 5 na poziciju 6-1

13. EVIDENTIRANJE REZULTATA

- 13.1. Za pojedinačni plasman za svakog strijelca rezultat svake serije mora biti čitko unijet u zvanični zapisnik i evidentiran na ploči za rezultate. Po završetku takmičenja, ukupan zbir svih pogođenih meta za svakog takmičara mora biti evidentiran i rangiran po broju pogodaka od viših ka nižim u zvaničnom biltnu takmičenja.
- 13.2. Za ekipni plasman, rezultat svakog člana ekipe mora biti evidentiran u skladu sa postignutim pojedinačnim rezultatom. Ekipni rezultati moraju biti rangirani od viših ka nižim prema ukupnom broju pogođenih meta koji su ostvarili svi članovi jedne ekipe.

- 13.3.** Evidencija se zvanično vodi na propisanim listama za svaku seriju od 25 meta. Evidentiranje postignutih rezultata vrši jedan pomoćni sudija na rezultatskim listama u vidu zapisnika dok drugi pomoćni sudija evidentira postignute rezultate, u vidu pogotka ili promašaja, na zvaničnoj evidencionoju tabli za potrebe strijelaca i publike. Obojica pomoćnih sudija se moraju nalaziti iza vatrene linije u blizini sudije. Svaki od pomoćnih sudija mora unositi podatke u listu odnosno tablu nezavisno jedan o drugom prema odlukama glavnog sudije. Po završetku svake serije, rezultat se mora uporediti i svaka nesaglasnost se mora otkloniti prije nego što se ozvaniče rezultati i odnesu na evidentiranje. Rezultati evidentirani na tabli moraju prevagnuti ukoliko dođe do neslaganja. Dužnost glavnog i pomoćnog sudije sa zastavicom je da kontrolišu da li pomoćni sudija na tabli korektno unosi presuđene odluke.
- 13.4.** Kada se serija završi i rezultati se provjere i usaglase, glasno se čitaju kako bi svi učesnici čuli zvanične rezultate a sudija i svi strijelci se moraju potpisati na evidencijsku listu kao dokaz da se slažu sa svojim evidentiranim rezultatom. Nepotpisivanje liste prije odnošenja na glavnu evidenciju, eliminiše sva prava za ulaganje protesta zbog rezultata drugih koji su pogrešno objavljeni.
- 13.5.** Posao oko dokumentacije je u nadležnosti žirija za klasifikaciju. Dužnosti te službe su sljedeći:
- a) Da pripremi listu strijelaca i svakom dodjeli startni broj;
 - b) Da pomaže službenom licu strelišta i žirija prilikom ždrijebanja i svrstavanja strijelaca u grupe;
 - c) Da pripremi evidencijske liste za svaku grupu;
 - d) Da obezbjedi da je u pravom trenutku ispravna lista sa pravom grupom kod sudija;
 - e) Da preuzima i verifikuje ovjerene rezultate o ukupnom broju pogodaka po završetku svake serije;
 - f) Da pravi tabele i objavljuje preliminarne rezultate na tabli predviđenoj za tu svrhu. Kompletira zvanični dnevni izvještaj o rezultatima u što kraćem roku;
 - g) Da priprema tačan bilten preliminarne rezultata koji se dijeli sredstvima informisanja i zvaničnicima ekipa;
 - h) Da pripremi i štampa zvanični bilten konačnih rezultata odmah poslije zaključenja takmičenja i po završetku termina za bilo kakvu reklamaciju ili prigovor.
- 13.6.** Evidencijske liste moraju sadržavati puno ime i prezime strijelca, startni broj te naziv kluba za koji nastupaju.
- 13.7.** Zvanični bilten takmičenja mora biti poslat Streljačkom savezu putem elektronske pošte ,odmah kada se za to stvori mogućnost po okončanju takmičenja.
- 13.8.** Dva štampana primjerka kompletnog biltena takmičenja sa postignutim rezultatima i eventualnim ostvarenim rekordima mora biti poslat poštom Streljačkom savezu, u roku od najviše 3 dana po završetku takmičenja.

14. NERIJEŠENI-JEDNAKI REZULTATI

- 14.1. Neriješeni rezultati na olimpijskim disciplinama i drugim takmičenjima sa finalima utvrđivat će se na sledeće načine:
- 14.2. Neriješeni rezultati prije finala – plasman između dva ili više strijelaca kada postoji manji ili isti broj strijelaca za odgovarajuće mjesto u finalu, mora biti određen za mjesto 7 i 8 ,to jeste određuje se plasman za drugu poziciju. Ako ima više od šest prihvatljivih strijelaca za finale zbog istih rezultata tj. više rezultatski jednakih strijelaca nego raspoloživih mjesta, rješenje tih rezultata se vrši raspucavanjem.
- 14.3. Pojedinačno 7 i 8 pozicija između istih rezultata utvrdit će se na osnovu rezultata u poslednjoj seriji od 25 meta. U slučaju da redoslijed nije utvrđen koristiće se serija prije poslednje i tako redom. Ukoliko su rezultati u svim serijama jednaki, redoslijed se mora utvrditi polazeći od prve mete poslednje serije, zatim one prije nje i tako redom do „nule“ (pravilo povratnog računanja). Strijelcu sa više pogodaka u nizu mora bit dato više mjesto u plasmanu. Ako se rangiranje za 7 i 8 mjesto vrši raspucavanjem, da bi se odabralo 6 takmičara za finale, rezultati raspucavanja služe za rangiranje svih strijelaca sa istim rezultatom. Ostali isti rezultati bit će rangirani po gore navedenoj formuli.
- 14.4. Pojedinačni rezultati plasmana na 9 ili prvo niže mjesto za koje pozicija nije utvrđena raspucavanjem a imaju isti rezultat bit će rangirana prema pravilu 14.3.
- 14.5. Redoslijed za finalnu seriju – za prvih šest strijelaca se utvrđuju tako da u slučaju istih rezultata za finalnu seriju a koji imaju isti rezultat, vrši se raspucavanje za utvrđivanje startne pozicije. Kada se više strijelaca sa istim rezultatom bori za više pozicija, oni će raspucavati na strelištu kako bi se utvrdila startna pozicija. Prvo će se utvrđivati pozicija za najniže mjesto zatim za sledeće više i tako redom do najvišeg mjesta. U raspucavanju, strijelac koji nastavlja pucanje se mora postaviti za gađanje, napuniti pušku i pozvati metu u roku od 12 sekundi nakon što je prethodni strijelac završio svoje pucanje.
- 14.6. Svaki strijelac sa istim rezultatom u raspucavanju, zauzima svoju poziciju za pucanje po redu određenom od strane žirija – izvlačenjem. Kada sudija da znak za početak, svaki strijelac stavlja u pušku samo jedan metak. Svaki strijelac mora pucati na isti broj meta sa istog broja pucačkih mjesta. Strijelac koji ne pogodi metu je gubitnik i plasira se na niže mjesto pod uslovom da su drugi strijelci pogodili svoje mete na svojim mjestima. Svi preostali strijelci se pomjeraju na svoju sledeću poziciju, ponovo pune samo jedan metak i gađanje se nastavlja dok se ne utvrdi konačan redoslijed.
- 14.7. Raspucavanje mora početi najkasnije u roku 30 minuta po završetku regularnog toka takmičenja.
- 14.8. Ekipni neriješeni rezultati – ako dva ili više timova imaju isti rezultat na prva 3 (tri) mjesta, redoslijed se utvrđuje kombinacijom rezultata svih članova tima u poslednjoj seriji od 25 meta ili u pretposlednjoj seriji itd. sve dok se ne utvrdi

razlika. Neriješeni rezultati za 4 mjesto i niže se evidentiraju prema abecednom redu klubova učesnika.

15. ŽALBE I PRIGOVORI

15.1. Žalbene takse se uplaćuju po podnesenom prigovoru ili žalbi i to:

Prigovor	50,00 KM
Ostale žalbe	30,00 KM

Taksa mora biti vraćena ukoliko je prigovor/žalba prihvaćen ili se prosljeđuje Organizacionom odboru ako je prigovor odbijen.

15.2. Svaki strijelac ili vođa tima ima pravo da se žali na uslove takmičenja, odluke ili akcije odmah, usmeno službenom licu takmičenja, strelišta ili članu žirija. Takvi prigovori mogu da se odnose na sledeće:

- Strijelac ili vođa tima smatraju da se ISSF propisi i pravila ili program takmičenja ne poštuju u provođenju takmičenja;
- Ako se strijelac ili vođa tima ne slažu sa odlukom zvaničnika takmičenja, zvaničnika strelišta ili člana žirija;
- Ako je strijelac ometen ili uznemiren od strane drugog strijelca, službene osobe, gledaoca, predstavnika medija ili drugih osoba ili uzročnika;
- Ako je strijelac imao dugi prekid gađanja zbog tehničkih kvarova na opremi strelišta, nedostataka ili drugih uzročnika;

15.3. Službene osobe, sudije i članovi žirija moraju odmah razmotriti usmene proteste. Oni mogu odmah preduzeti aktivnosti za ispravljanje stanja ili prosljediti protest žiriju radi odlučivanja u punom sastavu. U takvom slučaju, sudija ili član žirija može privremeno, ukoliko je to potrebno, prekinuti gađanje.

15.4. Ako se strijelac ne slaže sa odlukom sudije, prigovor se može inicirati podizanjem ruke i glasnim izgovaranjem riječi PROTEST. Sudija tada mora privremeno prekinuti takmičenje i poslije konsultacija sa pomoćnim sudijama donijeti odluku. Može se uložiti prigovor na odluku o pogođenoj odnosno promašenoj meti u finalu ali samo u uslovima kada je moguće primjeniti WAR tehnologiju na strelištu.

15.5. Ako strijelac ili vođa tima nisu zadovoljni konačnom odlukom sudije, oni ne smiju odugovlačiti sa gađanjem te mogu staviti bilješku na evidencijsku listu da nastavljaju gađanje ali uz određeni prigovor. Taj prigovor razmatra žiri.

15.6. Prigovori koji se podnose žiriju mogu biti usmeni ili pismeni. Obje vrste prigovora moraju biti praćene određenom taksom. Pismeni prigovor mora biti podnesen prije nego žalba na odluku žirija bude predata žiriju za žalbe. Ako se žalba prihvati, uplaćena taksa se vraća a ako je žalba odbijena, taksa će biti predata Organizacionom odboru za zajedno sa pismenom žalbom i odlukom žirija.

15.7. Ako je strijelac ili vođa tima nezadovoljan odlukom žirija takmičenja, može se pismeno žaliti žiriju za žalbe. Takva žalba se mora podnijeti pismeno od strane vođe tima ili predstavnika, najkasnije jedan sat od objavljivanja odluke žirija. U

posebnim okolnostima, vrijeme za podnošenje žalbe može biti produženo do 24 h odlukom žirija za žalbe.

- 15.8.** Odluka žirija za žalbe je konačna. Kazna može biti smanjena ili povećana. Kopije svih odluka i odgovora na pismene žalbe i prigovore moraju biti proslijeđene od strane Organizacionog odbora ili Komesara takmičenja Generalnom sekretaru Streljačkog saveza ,zajedno sa konačnim izvještajem i rezultatskim listama na reviziju STK.

16. FINALE U OLIMPIJSKIM DISCIPLINAMA

- | | | | |
|--------------|------------|----------|---------|
| 16.1. | Disciplina | muškarci | žene |
| | TRAP | 50 meta | 50 meta |
- 16.2.** Program finala je u osnovi eliminacija ili nokaut takmičenje i sastoji se od 5 posebnih faza dodatnih meta u svakoj disciplini.
- 16.3.** Šest najbolje plasiranih strijelaca po završetku faze kvalifikacijase plasiraju u finale.Njima se izdaju posebni novi startni brojevi od 1-6 (najbolje plasirani strijelac dobija startni broj 1).
- 16.4.** Svi finalisti počinju od 0 (nule) na početku prve faze.Rezultati koji su postignuti u kvalifikacijama se ne prenose.
- 16.5.** Rezultati po fazama finala se sabiraju (rezultati će se dodavati od faze do faze i prenositi).
- 16.6.** Finalisti zauzimaju pozicije za pucanje (od 1 do 6) prema startnom broju (startni broj 1-pozicija 1) .
- 16.7.** Poslije svake faze,preostali strijelci će zadržati orginalne pozicije.
- 16.8.** Gađanje se vrši samo sa jednim metkom.
- 16.9.** Finalisti poslije kvalifikacijama pucaju serije sledećih faza:
- 1. faza - 25 meta**
6 strijelaca –poslije ove faze ,strijelac sa najnižim rezultatom se povlači i zauzima 6 mjesto
 - 2. faza – 5 meta (ukupno 30 meta)**
5 strijelaca – poslije ove faze,strijelac sa najnižim rezultatom se povlači i zauzima 5 mjesto
 - 3. faza – 5 meta (ukupno 35 meta)**
4 strijelca – poslije ove faze,strijelac sa najnižim rezultatom se povlači i zauzima 4 mjesto
 - 4. faza – 5 meta (ukupno 40 meta)**
3 strijelca – poslije ove faze,strijelac sa najnižim rezultatom se povlači i zauzima 3 mjesto i bronzanu medalju
 - 5. faza – 10 meta (ukupno 50 meta)**

2 strijelca – poslije ove faze strijelac sa nižim rezultatom će osvojiti 2 mjesto i srebrnu medalju dok će strijelac sa boljim rezultatom osvojiti prvo mjesto i zlatnu medalju na takmičenju.

16.10. Strijelac mora da zauzme poziciju, zatvori pušku i pozove metu u roku od dvanaest (12) sekundi nakon što je prethodni strijelac pucao na regularnu metu i otvorio svoju pušku. Za vrijeme finala, vremensko ograničenje pripreme mora da bude kontrolisano putem elektronskog tajmera kojeg prati pomoćni sudija.

16.11. Trap finale – faze – će se pucati prema sledećoj tabeli:

Faza	broj strijelaca u svakoj fazi	broj meta (ukupno na kraju faze)	distribucija meta (nasumice)
1.	6	25 (25)	10xdesno, 10xlijevo, 5xcentar
2.	5	5 (30)	2xdesno, 2xlijevo, 1xcentar
3.	4	5 (35)	2xdesno, 2xlijevo, 1xcentar
4.	3	5 (40)	2xdesno, 2xlijevo, 1xcentar
5.	2	10 (50)	4xdesno, 4xlijevo, 2xcentar

16.12. Neriješen rezultat za rangiranje 3,4,5 i 6 mjesta obaviti će se prema startnom broju takmičara (eliminacija najvišeg startnog broj) prema rangiranju u kvalifikacijama.

16.13. Neriješeni rezultat za 1. i 2. mjesto (zlatna i srebrna medalja) će se riješiti odmah raspucavanjem (napomena: nema gledanja meta ili test pucanja a prvi puca niži startni broj).

16.14. Trap raspucavanje za vrijeme faze finala-meč za medalju (1. i 2. mjesto)

Mete moraju biti plasirane neizmjenično lijevo pa desno

Stanica 1 mašina 3 – lijeva meta

Stanica 2 mašina 4 – desna meta

Stanica 3 mašina 9 – lijeva meta

Stanica 4 mašina 10 – desna meta

Stanica 5 mašina 15 – lijeva meta

Stanica 1 mašina 1 – desna meta

*nema gledanja meta prije pucanja ili test pucanja;

*najniži startni broj puca prvi

*vremenski limit 12 sekundi

16.15. Za finale se moraju upotrebljavati mete sa obojenim prahom.

16.16. Meta se proglašava pogodnom ako je na nju pucano prema pravilima i kada se najmanje jedan vidljivi dio odlomi od nje ili kada se jasno vidi obojeni prah od pogođene mete.

17. PRELAZNE I ZAVRŠNE ODREDBE

- 17.1.** Ako postoji sumnja u značenju ili tumačenju ovog Pravilnika ili ako postoji proturječnost između ovog Pravilnika i ISSF Pravila, mjerodavan je tekst ISSF Pravila.
- 17.2.** U slučaju spornih situacija koje nastanu u primjeni ovog Pravilnika a nisu regulisane ovim Pravilnikom, primjenjuju se odredbe ISSF na način da:
- a) Ako sporna situacija nastane za vrijeme održavanja takmičenja, odluku o načinu rješavanja sporne situacije donosi žiri takmičenja;
 - b) Ako sporna situacija nastane u drugoj situaciji a u vezi sa pitanjima koja uređuje ovaj pravilnik, odluku o načinu rješavanja sporne situacije donosi STK a za slučaj koji ne trpi odlaganje do sjednice Komisije, odluku donosi Generalni sekretar SS BiH.
- 17.3.** Izmjene i dopune ovog Pravilnika se vrše na način i po postupku predviđenom za njihovo donošenje.
- 17.4.** Tumačenje ovog Pravilnika daje STK Streljačkog saveza BiH.

Predsjednik UO
Rašid Kasumović